



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

REPUBLIKA E KOSOVËS
KOMUNA E LIPJANIT
REPUBLIKA KOSOVO
OPŠTINA LIPLJAN

Pranuar me: 19. 01 2026		
Prilajeno:		
Njësia Jednica	Numri Broj	Shtojca Dodatak
01-052/01-2756		

Zyra e Kryetarit të Komunës

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË DHJETOR 2025

**PROCESVERBALI NGA MBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR 2025**

INFORMATË RRETH NJOFTIMIT

Hyrje

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021, Udhëzimi administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-016/0163314, e datës 26.12.2024 si dhe Planit të Veprimit për transparencë në komunë, Komuna e Lipjanit harton procesverbal nga mbledhja e parë publike e thirrur nga kryetari i komunës për periudhën janar-dhjetor 2025 i cili është mbajtur me datën 19.12.2025, në sallën e Kuvendit Komunal, duke filluar nga ora 10:00. Në bazë të Ligjit për Vetëqeverisje Lokale, Komuna është e obliguar të mbaj dy tubime me publikun, njërin në gjashtëmujorit e parë të vitit fiskal dhe tjetrin në fundvit.

Ecuria e Procesit

Zyrtari përgjegjës për menaxhimin me Platformen e Konsultimeve Publike dhe Koordinimin e konsultimeve publike në Komunën e Lipjanit ka bërë me kohë lajmërimin dhe ka publikuar njoftimin në ueb faqe të Komunës, në dy gjuhët zyrtare, dy javë para mbajtjes, sipas ligjit për Vetëqeverisje dhe rregullatives tjetër ligjore të cilat janë në fuqi.

<https://lipjan.rks-gov.net/wp-content/uploads/2025/12/660977.pdf>

Po ashtu njoftimi është vendosur edhe në hyrje të objektit të komunës si dhe në vendet e tjera më të frekuentuara nga ana e qytetarëve.

PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR 2025

INFORMATË RRETH NJOFTIMIT

Takimi i cili është mbajtur **19.12.2025** duke filluar në ora **10:00** në sallën e Kuvendit Komunal ka karakterin informues për pjesëmarrësit, ku përfaqësuesit e komunës njoftojnë për aktivitetet komunale, për të arriturat dhe vështirësitë, për synimet dhe investimet kapitale gjatë periudhës për të cilën është thirrur takimi, ndërsa të pranishmit mund të bëjnë pyetje dhe të japin propozime përfaqësuesve të zgjedhur komunal lidhur me realizimin e projekteve të planifikuara si dhe për çështje të tjera që janë në interes të qytetarëve.

Për të folur rreth aktiviteteteve të Komunës, për planet dhe sfidat, fjala kryesore i takoi kryetarit të komunës, Imri Ahmeti.

Në prani të drejtorëve të Drejtorateve komunale, përfaqësuesve të Këshillave Lokal përfaqësuesve të shoqërisë civile dhe shumë qytetarëve tjerë, mbledhjen e hapi kryetari i Komunës, Imri Ahmeti ku takimin e filloi duke i njoftuar të pranishmit për punën gjatë periudhës janar- dhjetor 2025 të qeverisjes lokale ku bashkarisht kanë diskutuar për të gjitha projektet, të arriturat dhe sfidat gjatë kësaj periudhe.



*PROCESVERBALI NGA MBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR 2025*

TAKIMI ME QYTETARË



*PROCESVERBALI NGA MBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR 2025*

TAKIMI ME QYTETARË



Kryetari Imri Ahmeti në fillim të këtij takimi është shprehur i kënaqur me dinamiken e investimeve kapitale e cila po shënon një rritje në bazë të planifikimit, ku theksoi se aktualisht janë duke u zhvilluar në teren shumë projekte investime vetanake nga komuna dhe projekte të tjera së bashku me partner.



PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR 2025

TAKIMI ME QYTETARË

Në këtë takim, Kryetari Ahmeti u shpreh i kënaqur për trendin e investimeve të realizuara gjatë vitit 2025, e të cilat kanë ndikuar drejtpërdrejt në përmirësimin e jetës së qytetarëve të Komunës së Lipjanit. Ai e cilësoi vitin 2025 si një vit shumë të suksesshëm, duke ia atribuar këtë sukses qytetarëve të Lipjanit për bashkëpunimin e ndërsjellët.

Gjatë takimit me qytetarë, Kryetari Ahmeti vlerësoi të kënaqshëm realizimin e buxhetit të komunës për vitin 2025, i cili ka qenë i suksesshëm dhe se deri në fund të vitit pritet të arrijë deri në 95% të realizimit; investimet kapitale kanë arritur rreth 76% të realizimit. Ndërsa, të hyrat vetanake kanë shënuar progres të jashtëzakonshëm, duke tejkaluar planifikimin buxhetor.

Deri më tani kemi realizuar mbi 60 projekte, por po i veçoj disa nga më të rëndësishmet, si: ndërtimi i QKMF-së në Lipjan, e cila sigurisht që do t'i përmirësojë kushtet dhe shërbimet për qytetarët tanë, ndërtimi i Shtëpisë së Kulturës, ndërtimi i vazhdimit të sheshit dhe parkut të qytetit, renovime të shkollave, asfaltime të rrugëve e shumë projekte të tjera.

Kryetari Ahmeti theksoi se në sektorin e bujqësisë fermerët janë përkrahur përmes subvencioneve për pajisje të ndryshme të mekanizimit bujqësor, si dhe përmes formave të tjera të subvencioneve; po ashtu janë mbështetur edhe klubet sportive dhe OJQ-të e ndryshme lokale.

Ndër të tjera, Kryetari Ahmeti ka theksuar se Komuna e Lipjanit është renditur ndër komunat me performancë të mirë, sipas vlerësimeve nga organizata dhe institucione vendore e ndërkombëtare. Për transparencë buxhetore, Komuna e Lipjanit është renditur e para nga organizata GAP dhe ka marrë vlerësime të larta nga KDI dhe organizata të tjera.

Kryetari Ahmeti u shpreh i bindur se në vitin e ardhshëm do të realizohen edhe më shumë projekte, ndonëse përmendi edhe sfidat që kanë shoqëruar punën e deritanishme. Ndër sfidat kryesore, ai theksoi mungesën e mbështetjes nga niveli qendror dhe çështjet e lidhura me kontratat kolektive.

Qytetarët e pranishëm në takim shprehën mirënjohje për angazhimin e Kryetarit Ahmeti dhe kabinetit të tij për realizimin e projekteve të shumta që kanë ndikuar pozitivisht në zhvillimin e komunës.

Ata gjithashtu paraqitën kërkesa për investime të reja kapitale në të ardhmen.

Në përmbyllje të takimit, Kryetari Ahmeti falënderoi të gjithë pjesëmarrësit dhe ritheksoi rëndësinë e komunikimit të drejtpërdrejtë me qytetarët si pjesë thelbësore e qeverisjes së hapur, gjithëpërfshirëse dhe transparente në shërbim të qytetarëve.

Po ashtu qytetarët prezent kanë pasur rastin të bëjnë pyetje rreth shumë çështjeve me rëndësi të marrin përgjigje nga vet kryetari Imri Ahmeti.

Pastaj Kryetari i Komunës, Imri Ahmeti, e hapi diskutimin për të pranishmit.

*PROCESVERBALI NGA MBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR 2025*

TAKIMI ME QYTETARË

Pastaj Kryetari i Komunës, Imri Ahmeti, e hapi diskutimin për të pranishmit.

Behxhet Konxheli, ka thënë se në Janjevë janë bërë disa investime por ka ende nevojë për asfaltimin e disa rrugicave, ndriçimi publik etj.

Imri Ahmeti, kryetar i komunës tha se ka potencuar se Komuna e Lipjanit do të vazhdojë të investojë në secilin fshat duke u nisur nga prioritetet.

Muharrem Gashi, tha se në fshatin Akllap ka pasur investime gjë që e falenderoj komunën por ende kemi nevojë andaj kërkoj nga kryetari që ti buxhetoj edhe investimet si që është kanalizimi, ndriçimi publik dhe zgjerimi i rrugës që është e ngushtë dhe ndërtimi i disa urave.

Imri Ahmeti, kryetar i komunës tha se ka potencuar se Komuna e Lipjanit do të vazhdojë të investojë në secilin fshat duke u nisur nga prioritetet dhe duke u bazuar në kërkesat e qytetarëve.

Ali Sopa, tha se në fshatin Grackë ka nevojë për ndriçim publik, trotuarë, rregullimi i një hapësirë publike për këndin e lojërave dhe projekte të tjera.

Imri Ahmeti, kryetar i komunës tha se janë bërë disa investime në Grackë, por do të planifikohen edhe kërkesa tjera që dalin nga banorët duke u nisur nga ato më prioritare.

Muhamet Mustafa, ka shprehur falenderime për Kryetarin Imri Ahmeti, lidhur me investimet që janë bërë në fshatin Gadime si psh. renovimi i QMF-së, asfaltimi i rrugicave, ndriçimi publik e shumë projekte të tjera por që ka nevojë edhe për projekte shtesë dhe në të njëjtën kohë kërkoj nga Kryetari Ahmeti që ti fus në buxhet projektet që konsiderohen më prioritare për banorët e Gadimes.

Imri Ahmeti, kryetar i komunës tha se Komuna e Lipjanit të gjitha projektet e propozuara nga ana e qytetarëve i planifikon në buxhet sipas prioriteteve të tyre, andaj organizohen edhe dëgjimet buxhetore që të merren të gjitha propozimet e fshatrave dhe lagjeve dhe ato më kryesore të futen në buxhet.

Liridon Tërshana, nga Magurja ka paraqitur një kërkesë për demolimin e disa objekteve banesore shumë të vjetruara e që po paraqesin rrezik për qytetarët e Magurës nga rrënimi i tyre.

Imri Ahmeti, kryetar i komunës tha se i përket banesave në Magurë i kemi rrënuar ato, mirëpo janë edhe disa të tjera që nuk e kemi lejen e institucioneve përgjegjëse për rrënimin e tyre por në momentin që e marrim lejen ne do vazhdojmë edhe me rrënimin e tyre.

Sheremet Kolshi nga Baica, ka kërkuar që të bëhet një investim në parkingun afër burimit të ujit të nxehtë në Baicë.

**PROCESVERBALI NGA MBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR 2025**

TAKIMI ME QYTETARË

Imri Ahmeti, kryetar i komunës tha se do të marrë parasysh këtë kërkesë dhe do të buxhetoj në vitet e ardhshme.

Afrim Hajrullahu nga Banulla, ka kërkuar të bëhen investime në renovimin e shkollës së vjetër në Banullë.

Imri Ahmeti, kryetar i komunës tha se po janë buxhetuar edhe shkolla e vjetër në banullë e Dobrajë e Madhe për intervenim në to.

Zymer Ahmeti, përfaqësues i lagjes së Akllapit komunës ka falenderuar kryetarin Ahmeti për asfaltimin e një rrugeqë ka përfunduar së fundi dhe ka pyetur se a do të vazhdoj bartja e nxënësve me autobus nga lagjeja e Akllapit për në shkolla.

Imri Ahmeti, kryetar i komunës tha se do të vazhdoj transporti -bartja e nxënësve me autobus nga të gjitha fshatrat e po ashtu dhe nga lagjeja e Akllapit për në shkolla.

Pasi që diskutime të tjera nuk pati Kryetari i Komunës Z. Imri Ahmeti i falënderoi të gjithë pjesëmarrësit dhe ritheksoi rëndësinë e komunikimit të drejtpërdrejtë me qytetarët si pjesë thelbësore e qeverisjes së hapur, gjithëpërfshirëse dhe transparente në shërbim të qytetarëve

Pasi çështje të tjera nuk kishte mbledhja përfundoi në ora **12:15**

Në këtë tubim publik kanë marrë pjesë **66** pjesëmarrës, prej tyre **30** femra dhe **36** meshkuj.

Bukurie Zejnullahu -Jashari

Udhëheqëse e Sektorit për Komunikim me Publikun dhe përgjegjëse për konsultime publike

Lipjan, 19.12.2025